

秋
佳
軒
詩
餘

秋佳軒詩餘卷八

金陵易震吉月槎著

濮水南洙源岸覺點

卜算子

雲山漫興

山不與雲期。雲與山相守。偶到山中戲問雲。怎
變爲蒼狗。○雲不與山期。山與雲相友。闖入雲
中戲問山。肯友區區否。

住山將別僧歸

身作暫時觀。何必忙如許。一住茅齋三月餘。喜
雨今朝阻。○前此伴孤鐘。此後多相與。苛禮新
來不恕人。詎止寒溫敘。

夜眠聞雪

石枕暫相拋。紙帳真瀟灑。今夜梅花逼夢寒。碎
玉驚全瓦。○窓外暗光生。竹裏疎聲瀉。凍死詩
翁亦不妨。貧士盈天下。

某君畫桂花戲作

月裏種丹葩。指下傳秋氣。悄悄嫦娥立。汝傍看。
似天香未。○無論智愚人。共道黃金貴。金到君。
毫碎若椒。不惜些兒費。

又畫鷄冠花間鴈來紅葉

紅紫一團團。渾是春天色。細看知爲八月時。瘦。
石偎其側。○君意淡如秋。俗眼紛如織。多買胭。
脂畫牡丹。贏得人人識。

畫石榴花

寫出枝間紅。五月開時是。一朵纔成。一朵來。只恐燒殘紙。分外炤眸明。欲隨風起。最愛桃花馬上裙。添我相思矣。

畫蘭

世上最幽花。畢竟生空谷。谷內香縈。谷外思數筆。勾他出。○本異杏桃姿。淡墨成佳幅。俗手曾塗葉與莖。渾似鸚哥綠。

偶以錢市線

慈母手中拈。豈不縫。永好幾度徘徊望白雲。無處尋。護草。○嫩柳任風搓。不賣絲毫巧。一色青銅五色來。以少贏多了。

九日旅中

吟面似花黃。吟骨同花瘦。不耐西風颯颯吹。九月猶絺袖。○忘却故鄉萼。剝得今朝袖。籬落雖新無數枝。節是年時舊。

對酒有懷

不快飲杯中。頭上巾空負。近覺愁腸細似絲。貯
酒渾無處。○八十日居官。豈遽爲名悞。但媿人
間罄折身。遂走柴桑路。

對菊

猶是小園風。不把秋英嫁。吹得嬌黃瘦可憐。寂
寂霜天夜。○手植許工夫。細算經春夏。今日幽
香入酒腸。肯教籬邊闕。

細菊數本。白色盛放。尤佳。時已十月。

大朶涉粗豪。佳者細如線。何事隋官剪綵中。號
國夫人見。○道是小春天。又吐秋時豔。冬至春
秋攬欲渾。且醉看花面。

壽某隱居

何以壽先生。檻外南山是。山與先生莫逆交。相
笑還相視。○松老却逾堅。我貴寧須仕。閒裏精
神大似身。百歲前途俟。

小齋冬日

草色壞于冬。竹韻鳴疑玉。雪水茶斟一兩甌。相對
對窓間局。寧可瘦如柴。不可分毫俗。地爲無人
靜且偏。況在寒流曲。

嶺上

嶺上白雲凝。豈有成心者。只怕鐘聲振動他。寄
語僧休打。嘯咏水邊多。來往山中寡。十里松
陰一瘦筇。疎雨時時下。

春曉卽事

小徑選花栽。澄水嫌萍蔽。客至須言酒病仍。着
意將門閉。○山映紙窗青。鳥報春天霽。睡起妻
兒笑且非。都道無生計。

漫興次稼軒六闋

不擬出潛龍。不學行空馬。合作冥鴻避弋人。快
殺高飛者。○池引潔清泉。屋蓋稀疎瓦。道我無
名亦有名。閉戶先生也。

其二

起舞忽聞鷄。矍鑠還騎馬。何似區區捫蝨庵。睡足三竿者。○床在久空金。玉碎毋全瓦。溷入鷗羣。不見人。泛泛飛飛也。

其三

喜策灞橋驢。厭跨長安馬。豈爲功名始讀書。寄語兒曹者。○十箇竹當簷。一片雲埋瓦。此是高人。世外廬。何不歸來也。

其四

投館燭驚鴉。渡水船裝馬。強半光陰客路消。可
嘆空勞者。○初筮讀童蒙。載弄歌璋瓦。回憶垂
髫問業時。瞬息之間也。

其五

漫養右軍鶩。虛羨支公馬。携箇黃柑柳外行。且
學聽鶯者。○地僻草齊扉。室古苔生瓦。日對青
山簡佛經。非敢爲佞也。

其六

少僕讀書螢。壯策看花馬。自與雲山作主人。日
日偕樵者。○竹園鑿魚池。茅宇栽鴛瓦。小有蔬
盤上釣舟。烟水夷猶也。

長至蒲圻道中

是日閉重關。靜取微陽養。奉使長驅驛路車。塵
染貂裘上。○六管動飛灰。反復天行旺。春信燈
期算未遙。好倚江梅望。

其一

春信忽驚心。家信經年杳。底事陽回客未回。迢
遞蒲圻道。○行過野溪橋。驢背撻詩料。乍見紅
梅映酒旗。且共寒葩笑。

齋懸寒江獨釣圖

娟娟釣竿長。誰手爲圖寫。十里空江一物無。只
有鈎垂下。○持筆若持鈎。畫者真漁者。不則如
何雪滿齋。風水渾揮灑。

春江疊嶂圖

水大更山饒。落筆奇如此。偷眼風光屬艷陽。萬頃琉璃裏。○賸有晚風帆。都盼沙頭止。添我輕舟作浪遊。當不勝其喜。

瓶梅

瓶欲擬吟肩。花又同瓶瘦。數點寒香几案前。淡月窻間候。○折取屬何人。解選南枝秀。避雪偎燈倍有情。影在匡牀右。

擁褐曝前軒

讀陶詩拈句爲賦得三十四首

擁褐曝前軒。愛此冬之日。豈有愁隨一線長。酒
盞兼書帙。○天地一虛舟。俯仰成陳迹。何事茅
齋只數椽。聊以容吾膝。

帶月荷鋤歸

帶月荷鋤歸。沿路携孤影。老樹門前一帶疎。自
是秋天景。○娛晚闌虛堂。養鶴無多頃。坐上風
聲隔葉聞。愈益茲山靜。

白日掩荆扉

白日掩荆扉。但覺心如冰。振筆題詩素壁間。揮
灑優于紙。○酒內有賢人名。下無虛士。醉買黃
公讀楚騷。數載江湖矣。

田父有好懷

田父有好懷。而我非無有。爾挈蔬盤我。挈樽花
柳溪邊走。○遙指白雲巖。見住童顏叟。亦與山
中客往來。名姓君知否。

有酒斟酌之

有酒斟酌之。以醉爲率耳。不見鎬兒與杓兒。白也同生死。○朝固不容嫌。市亦寧須恥。獨立縹緲之飛樓。下視皆塵滓。

斗酒聚比隣

斗酒聚比隣。且醉山中菊。小嚼之盤不甚豐。飽喫黃雞肉。○古塚不知年。石馬連頭沒。犁作人間菜麥區。日暮狐狸哭。

日月不肯遲

日月不肯遲。我懼兒童喜。曆本看殘駕。土牛街。
鼓。鑿。鑿。起。○綠酒共黃柑。打算從今始。携聽金
衣巧奏簧。二月終而止。

虛室有餘閒

虛室有餘閒。而以居靜者。門外蒼苔襯落花。祇
恐經車馬。○琴對白雲彈。杯向青春把。有客曾
招暫出山。僕謝未能也。

卽事多所欣

卽事多所欣。何用奢爲望。忽忽山光墜。入西看。
月牆東上。○索笑草廬檐。一片梅花放。今夜高
歌有和人。屬我爲元唱。

放意樂餘年

放意樂餘年。身似鴻毛舉。昨日登高醉。幾人得。
問茱萸女。○詩酒作生涯。農圃時相與。洗得楓
林別樣紅。數點深秋雨。

寒竹被荒蹊

寒竹被荒蹊。可以延幽步。客亦知夫水月乎。杖屨臨流住。○清徹此時心。懶應明朝務。蘆荻花中出釣翁。一艇蕭蕭渡。

草木從橫舒

草木從橫舒。桃李丹鉛列。粧點春天作艷陽。燕子周遮說。○混沌老山人。不記清明節。因見楊枝憶去年。也買河豚啜。

流幻百年中

流幻百年中。屋角雙輪速。騎馬紅塵一笑回。安
意藏幽竹。○沈約不勝衣。邊老便便腹。莫問當
年瘦與肥。七尺休教俗。

心遠地自偏

心遠地自偏。身賴烟霞養。滿眼黃花九月時。斗
酒恣遊賞。○衰草尚矜顏。涼翼將收響。山水之
間着醉翁。此意令人想。

日日欲止之

日日欲止之。弗止何時已。所以柴桑處士詩。二十言皆止。○舉世盡如馳。舉體能無滓。嘗向閒中醉濁醪。信有無窮理。

懷古一何深

懷古一何深。回首風塵裏。但覺新來嬾上樓。甚矣吾衰矣。○淡圃半林黃。落日諸山紫。百罰深杯亦不辭。此興何嘗靡。

山氣日夕佳

山氣日夕佳。延眺山之下。仁者從來樂不疲。不
樂非仁也。○萬斛瀉明珠。上有飛泉灑。欹枕窗
間靜夜聽。欲振吾廬瓦。

歸去來山中

歸去來山中。不見山中友。麋鹿成羣自在遊。與
我同盟久。○相好勿相尤。物比人殊否。共爾多
收氣類儔。鷗鷺沙頭有。

念我意中人

念我意中人。徑自心如醉。羞澀空囊。歎守株累。
月無書寄。○春色已將闌。難禁花憔悴。此後炎
天。襖襖來。竹裏相迴避。

微雨洗高林

微雨洗高林。枝葉都增翠。只有清愁。遣不行。亦
復成清醉。○三徑爲筠開。兩部聽蛙吹。紅燭隨
人也。惜春。流下風前淚。

鼓腹無所思

鼓腹無所思。相對平疇綠。酒價街頭貴。不堪吾
甕稱粗足。○詩是信心吟。棋乃輸人局。城內衣
冠偶見過。驚動村風俗。

臥起弄書琴

臥起弄書琴。日午樹陰直。一片青山屋後橫。兩
屐恣登陟。○朝或山之南。暮或山之北。借使詩
翁離此山。真個無相識。

吾亦愛吾廬

吾亦愛吾廬。卿自用卿法。恰有三百青銅錢。亦
未爲貧乏。○烹茗惠泉香。試筆端溪滑。窻外梅
花瘦可憐。寒雪偏來壓。

遠望時復爲

遠望時復爲。樹杪江如帶。暑氣全消絕。頂風散
髮披襟快。○巾服道家粧。筆硯山人派。逢着凌
空怪石頭。便學元章拜。

夜景湛虛明

夜景湛虛明。剛過中秋夕。冷露梧桐滴。數聲獨
坐書齋寂。○一紙好音違。寸燄殘更剔。蟋蟀羣
將久客欺。何處還吹笛。

羈鳥戀舊林

羈鳥戀舊林。飛去飛來慣。除却空山夜。月驚更
有何憂患。○富貴必還鄉。將相斯爲宦。擾擾營
營世上人。可道回頭幻。

絲酒開芳顏

絲酒開芳顏。一飲三百竿。偏是重陽倒。接離騎。
着山公馬。○蟲語吊霜淒。鴈字穿雲寫。相菊宜
平。只貴黃餘。蓋可鄙也。

挈杖還西廬

挈杖還西廬。孤鶴山頭候。相見昂然唳一聲。與
我同清瘦。○酒債未償鄰。詩本嘗隨袖。細嚼梅
花和雪吞。肺腑寒香透。

隣曲時時來

隣曲時時來。諒我無迎送。紅杏山園十數株。春意枝頭鬧。○晴草馬馳歸。烟柳鶯噓動。如此風光我共君。肯負香醪甕。

桃李羅堂前

桃李羅堂前。紅粉佳人似。開賞何嘗厭。客來不道門如市。○簡點昨朝非。畢竟而今是。美睡無如二月天。計起時將已。

今日天氣佳

今日天氣佳。昨日愁中過。來日焉知可似今。何
不將愁破。○況是一秋心。肯向春朝做。飲過千
鍾。固不休。事便如天大。

來鴈有餘聲

來鴈有餘聲。助許清秋氣。籬下新栽一兩叢。吐
出黃英未。○情以好眠慵。工爲耽遊費。欸客盤
餐小摘蔬。市遠無兼味。

性本愛丘山

性本愛丘山。所得難具說。竹雨松濤響未休。雨
耳真清絕。○秋晚稻逾香。石瘦泉加冽。過此微
軀卧榻僵。門外封深雪。

夕露沾我衣

夕露沾我衣。月炤梧梢濕。今夜秋香染夢魂。滿
樹黃金粒。○心共此山空。詩似寒蛩泣。不可無
茶對短檠。手把巖泉汲。

武陵春

旅夜

故里青山重會面。菊吐以爲期。嶺上先開一二枝。又過小春時。○坐聳吟肩癯似沈。孤影夜燈知。霜月飛寒到玉卮。燒竹酒溫遲。

清涼山

一道江流杯裏瀉。誰肯更停杯。遠岫閒雲細剪裁。如絮度江來。○雲水遙看渾是白。秋氣冷殘

苔便向苔磯醉臥哉。高空隻鴈哀。

友人初度

獻縷恰逢春晝永。唱出武陵春。流水桃花片片新。此地少風塵。○堂上共看翁坐着。古貌古心人。親手麻姑擗紫鱗。持觴莫厭頻。

晚行

憶昔山中辭鹿豕。短劍與詩瓢。路上悠悠又一朝。時見野芎苗。○淺水殘霞光映帶。紅蓼岸頭

燒有鳥似呼婆餅焦。吟鞭過石橋。

其二

到處便堪謀信宿。行徑似僧家。晚色遙村一帶斜。是月是虹耶。○芳草不堪秋更綠。岐路悵三叉。白鳥酣眠落炤沙。知他意思遯。

偶成

訪舊半爲人世鬼。身在總堪驚。百罰深杯倍有情。豪氣酒邊生。○襖事剛完三月半。春意欲遯。

征。殘。蕊。枝。頭。要。幾。聲。寄。語。昨。朝。鶯。

除夕

此夕正應隨俗過。辦箇五辛盤。兒女燈前笑一團。齊說大家安。○明日明年來到也。風景更多端。門柳庭梅與砌蘭。東君着意看。

元日

此是今年頭一日。作事始宜謀。一日衝開一歲愁。整頓起風流。○燈事花期都爛熳。光景已盈

春。色。恣。人。自。在。游。先。歸。十。四。樓。

尋梅

雪。似。花。耶。花。似。雪。一。片。白。成。堆。冷。蕤。而。今。安。在。
哉。幸。有。暗。香。來。○稚。子。候。門。良。久。矣。知。是。灞。橋。
回。驢。背。新。詩。定。已。裁。忙。呵。凍。管。開。

暑行有值

偶。過。柳。陰。遮。日。處。野。老。坐。斟。茶。官。長。誰。知。喚。作。
爺。爾。我。恁。相。加。○人。世。寒。溫。無。數。禮。於。彼。何。有。

耶。短袖將迎手。只又回頭一歎嗟。

舟夜

白酒離鄉偏有味。渴極愛江清。吹滅篷窗一尺
檠。涼月浸舟明。○客況年來同泛梗。渾不記萼
羹。夾岸蘆花雪浪生。酣睡老秋聲。

田家

一把瓦壺消白日。只管說桑麻。茶論茶經那解
耶。蛙鼓在傍槌。○積雨妨禾幾半月。峰露晚天

霞西望紅光笑語加。秋收定有些。

醉成

兩盞三杯猶小弱。愁已據雄邦。何法能教萬壘
降。一飲一深缸。○將酒戰愁愁退舍。詩思浩如
江。月湧風翻天上撞。鼎力莫能扛。

其二

化鶴歸來成已事。可笑丁令威。城郭人民一槩
非。獨在更何依。○千歲不如今一歲。莫教賞心

遠月下壺觴。只管飛花影正流衣。

江畔

雙袖飽裝雲水氣。江畔晚秋行。底事西風不近情。吹菊瘦容生。○村肆蟹香橙又熟。小醉且聊成。明月到庭如有聲。山城莫打更。

春暮

春去難將醒眼別。連日醉深觥。醉裏春光夢裏呈。可恨老鶯聲。○何故衰喉猶未歇。豈與小蛙

爭。畢竟蛙聲較有情。如催池草生。

醉公子

夏日雨餘

榴火當檐赤。鳴蟬千樹急。虹外濕青山。斜陽炤
雨間。○迴避渾無計。炎歊何太厲。安得大西瓜。
藏吾七尺耶。

春夜醉歸

村酒非常美。歸鞭搖醉裏。花與月爲緣。陰生吠

犬邊○柴扉雖閉穩○東風侵夜狠○休打五更鐘○
春來睡每濃○

除夕

今夜寧須睡○然而須一醉○一歲此時除○貧家事
事無○漫把庭聯寫○如斯而已也○換箇極新春○
明朝去賀隣○

元夕

街鼓喧無已○江南風俗耳○我亦太平人○酣歌一

曲春。○細雨昨朝有。盤中嘗嫩韭。休過賞燈家。
梅開月下花。

夜坐

松樹遮門古。避人如避虎。我讀離騷經。窻前朗
月聽。○是境都須寂。寂中清趣溢。所以隔山泉。
深宵韻枕邊。

次韻

夫在誰心上。此山教妾望。沒有望奴山。天生山

太慳○好夢和伊做○春朝知正臥○率性變飛鷺○
驚他夢不成○

秋泛

秋水牽情出○登舟搖淨綠○野岸白蘆花○於中住○
獨家○天剩些微暑○助蟲成壯語○余意不勝疎○
持篙去刺魚○

祝友

百歲逢今日○金丹成石室○紫氣自東開○函關駕○

正來。○買得麻姑酒。堂前持獻叟。一歲一杯哉。
還斟千次杯。

前題

叟也非常品。金門高吏隱。放浪老形骸。春風醉
裏偕。○拭目諸孫子。紆青還衣紫。堂外小梅妍。
香寒幾百年。

飲梨花下

偶爾傳杯畢。乃遭無月夜。香雪炤人光。春園黑

不妨。○沉睡枝間蝶。○瓣隨嬌翅帖。○明日看他衣。
添些練色飛。

秋山晚眺

不飲將秋負。○携壺上山路。○赤葉似花新。○秋能做
出春。○客散蟾鉤見。○西風吹醉面。○笑拍野樵肩。
孤挑壓晚烟。

登高

遊客都登此。○醉歌烏帽子。○已到送秋時。○情懷似

敗棋。○誰採東籬菊。南山剛在目。想起那先生。
壺觴只管傾。

還山

不復親時事。還山遂初意。水鳥白沙秋。行時只
點頭。○何處茶香出。幽人在空谷。耳畔一時清。
風瓢樹上聲。

春霽

十日山中雨。水流殊不腐。乍霽啓荆扉。苔文欲

上。衣。○馬向春泥踐。落紅村路徧。今夜月華新。
幽窗看寫筠。

遲菊

畱爾重陽後。余杯仍在手。月與苦寒隣。金英欲
就人。○繼此梅花也。未知何日者。猶有老蒼枝。
霜天獨戰時。

北行

秋雨淫于淚。征人何以慰。賣酒路傍姝。家鄉道

是吳。○吳姝誰令北。吳聲嬌更怯。笑指過斯關。
向前山復山。

漁父

世路無些坦。抽身休更晚。伐竹作漁竿。風波處
轉安。○一水寧須買。壯鱸隨釣在。四十九枚多。
如何不醉歌。
謝玄與兄書云北固山下大有鱸魚一出手釣得四十九枚

贈祝

玉樹連枝起。一經遺肖子。班立殿東頭。霜飛氣

正秋。○甲兵多益辦。貯胸知幾萬。把酒盡君懽。
勳名晚歲看。

雪

試騁高樓望。奇觀滿山上。桂玉慮家人。今朝覺
更貧。○爲梅封冷蕊。溪橋應一醉。且趁未天晴。
衝泥皓首行。

賣花人

各色相誇鬪。擔頭春却重。挑過鳳臺街。紛紛蜂

蝶偕○今日休沽酒○將錢歸汝手○美汝把腰纏○
餘香復在肩○

送別

相別情無已○此行余蚤喜○路入水雲鄉○知飛得
意檣○楚天春去後○是灣皆出藕○衆葉帶風斜○
清香還勝花○

旅遊

出處何無定○萍飄惟水聽○逢着異鄉春○青山卽

故人。○書札經年斷。吳鉤時笑看。感慨莫生情。
風雲並馬行。

枕上

枕上堪辭客。羲皇依我側。爽氣曠如江。朝朝啓
北窗。○暑向閒人少。火雲槐樹杪。幻作萬千峰。
在來擬着蹤。

雨過

雨過諸泉出。溜渠行碧玉。小嚼古村西。秋肥啄

黍雞○列坐皆知已○高齋香桂蕊○便只一盤棋○
機忘無勝時○

籬菊

咏汝詩堪笑○都將籬作料○是處綻霜葩○寧須一
道遮○連日西風緊○殊愁佳色隕○裁竹向東編○
芳枝或可全○

盆菊

移植欣秋意○是余盛酒器○爲避小籬霜○將伊近

竹床。○剪燭窻生影。○偎人延晚景。○十月盡間看。
應知盡不殘。

誤佳期

次韻作

莫是夢中糊。○做謾把新郎來賀。○幾迴江上認歸
舟。○個個舟都錯。○一首憶君詞。○賦就無酬和。○枕
邊昨夜淚盈盈。○寧可挑燈坐。

其二

記得那時鴛帳。兩個心兒一樣。如今心裏事些些。無計能安放。○折柳向章臺。心在章臺上。阿誰心豈似奴心。空把心兒喪。

太常引

贈祝

吾爲弟也。爾爲哥。尊齒長吾多。其氣却巍峩。看直上將天去摩。○舞腰一捻。輕盈掌上。助我此宵歌。樂極醉顏酡。渾不解高歌甚麼。

謁金門

秋日

秋氣肅。山浸澄潭沐浴。百尺老松頭頂禿。孤雲
相伴宿。○長聽竹風敲玉。醫透肺腸塵俗。客又
不來茶正熟。新詩掩門讀。

九日

山色秀。最愛夕陽時候。與客開尊山欲就。虛嵐
染襟袖。○試看清霜降後。是處楓林如繡。頭上

利傳軌詩集
西風今日驟。冠兒可依舊。

南柯子

途宿

飢鼠空齋怨。殘燈古驛荒。布衾雖煖益衣裳。祇
爲時將九月。慎風霜。○腰瘦幾同沈。眸醒不夢
莊。勞人心事與誰商。又報五更三點趣行裝。

山花子

無題

強弄釵鈿不稱心。曉窗濃日做花陰。從繡鴛鴦
牽惹恨。到如今。○眉寫意中愁種種。眼穿雲外
鴈沉沉。侍女又將花浪摘。倩誰簪。

其二

午睡誰將短夢驚。金鈎風動小簾聲。人去髻雲
常是亂。下階行。○瘦損黃花應有恨。飄零紅葉
最關情。怕見塞鴻天外度。兩行橫。

醉鄉春

對酒

堪笑水邊楊柳。酷似風流老叟。三盞畢。兩眸雄。
短句長篇隨手。○攸捷曾誇千首。力士鎗隨座。
右。今宵月屋梁頭。可能炤見狂朋友。

賀聖朝影

春盡

海燕相逢話語親。水之濱。花前不肯久留人。暫。
生春。○牽挽時光還着我。且吟呻。一雙謝屐未。

離身復陶巾。

秋佳軒詩餘卷九

金陵易震吉月槎著

濮水南洙源岸覺點

清平樂

秋日題雪夜泛舟圖

今年秋熱。忻對圖中雪。曳起低篷三四摺。去訪
剡中那客。○無非興盡爲期。舟師那得知之。只
管向前搖槳。如愁昏夜稽遲。

其二

王君斂手默憶平生友。一葉徑衝風色走。爲想
此時將丑。○幾行枯樹埋鴉。斷橋橫着梅花棹。
尾小伴吹火。恰逢雪水煎茶。

題陳橫厓畫菊

似含霜色。却只塗些墨。嫩蕊西風吹不得。止少
淵明在側。○籬頭儘費安排。細看不甚開懷。布
景總宜疎淡。宜乎輪與橫厓。

其二

霜天初曉。冷蝶應知少。却畫兩三花外遶。分得
秋光去了。○細看殘萼疎枝。教余吸盡深卮。親
近未能如蝶。莊生合化爲伊。

橫厓畫竹

胡爲寫竹。幅幅梢俱禿。始解根枝聊寓目。可得
精神全幅。○小園栽着些兒。然而烹肉充飢。一
自此綃懸後。算來三月無知。

其二

數竿蒼翠。堂外雖然霽。堂上却生風雨勢。未卜
十三還醉。○子猷一見心開。可能邀得他來。正
對此君躑躅。兒將个字糊猜。

看某君畫黃菊

重陽未到。案上驚秋早。誰說畫家貧不了。爛筆
點金多少。○生花定有枯時。死花日日芳枝。懸
向齋頭猶潤。穿窻蜂蝶來窺。

上巳聞鶯

雛鶯一箇好韻終難和。總是舌端能頓挫。愛向
柳陰中坐。○何須斗酒雙柑。聽來心曠神酣。笑
摘青梅頻打戲。過三月初三。

竟日

雀羅門裏冷趣教人喜。隔絕市聲三十里。竟日
吟詩而已。○青青屋角山橫。綠波初與橋平。飲
似長鯨吸水。落花時節風情。

金陵六十咏

乙亥恤獻赴楚所至十五郡猶旅客寓貧家
耳杪秋岳陽署中步檐看菊屬有所思客顧
余曰爲蓴羹鱸膾與余笑示以夜來枕上事
則夢餘之歷歷如見者爲金陵六十佳處枕
上似此人生何可多得亦甚不可無詩以見
旅人胸次無境可束何必如太白之剗君山
鋪湘水醉殺洞庭而後樂與雖然鄉先正隣
初顧公七言律咏之步韻得若干首余心若
失非遠遜是娓娓不爲境束者復爲詩束豈
達也哉舉酒爲詞心稍就豁燈花映筆成以
兩夜又歷歷如見詩亦另有刻焉

鍾山

漢曰鍾山吳以後曰蔣山以子文之故圖經曰南四大山衡廬茅蔣金陵有其二

國朝

高皇帝孝陵在焉東有懿文皇太子陵曰東陵又名紫金山嘉靖中勅封曰神烈山元張鉉金陵新志有圖說可考

峰巒南向望裏飛烟浪列樹翠攢朝日上做就神都模樣○玉虹天外迴環江南第一佳山我
所思兮鍾阜千門紫氣中間○

石城

唐以前西臨江水削山成壁色赤如鐵六朝依此爲險諸葛亮云石城虎踞此也今去江

秋佳詩首

地遠下爲城濠

石頭一片虎踞當江面。潮打空城凡幾徧。千古
興亡如見。○休將往事關情。身逢海晏河清。我
所思兮城上暮笳聲。雜濤聲。

方山

山以形名。曰天印。秦淮水從東來。逶迤其南。
西北陳太史沂金陵圖考。列山于淮水之西。
誤矣。山頂有石龍池。南有洞玄觀。葛公洗藥
池。明盛時。秦結香茅宇于此。東有東霞寺。北
有定林寺。

方圓都好。都在蓬萊島。圓嶠羣仙居。縹緲移箇
方壺來了。○山巔共說平平。看來氣象崢嶸。我
所思。今天印。連天更向天橫。

秦淮

源發于句容。溧水至方山。東南流向西北。貫
都城。西出大江。楊吳時。自上水門。別鑿一河。
爲城濠。至下水門。而合南門。介二水間。門內
橋曰鎮淮門。外橋曰長干。

鍾山氣紫。純浸淮流裏。石首河豚。春味美。兩岸
酒筵如綺。○橋頭茗賣松蘿。輕敲檀板。吳歌。我

所思兮古渡。蘭舟載妓隨波。

白鷺洲

洲在三山門外西至江東門上新河是其遺地名以李太白詩著所謂二水中分白鷺洲者以內爲秦淮外爲大江故

金陵美酒。孫楚樓中有。坐上狂歌人拍手。笑問
莫愁存否。○中分二水悠悠。碧蘅紅杜盈洲。我
所思兮白鷺。石城烟柳西頭。

烏衣巷

晉王謝所居在武定橋東沿秦淮而東至上
水門一帶桃葉渡正在其處今人指城濠南
赤石磯以上爲烏衣巷非

高堂廣廈。燕子曾棲也。千載共知王與謝。果是
風流文雅。○休言結綺荒丘。歌鐘喧徹淮流。我
所思兮巷口。看人携妓登舟。

鳳凰臺

晉瓦官閣之南其地在秦淮南連小長干閣
在驛騎倉內臺在其右鳳遊寺之南舊前臨
大江爲楊吳築城所蔽故三山白鷺洲皆不
可見見弇州鳳臺園記疑此非太白所咏或未

之考耳

試開心目。此境無拘束。天外長流。團碧玉。鷗鷺
洲前戲逐。三山二水生姿。多因李白題詩。我
所思兮臺畔。東風吹出花枝。

龍江

在下關其得名以盧龍山下瞰大江故今商
賈泊船之所有靜海寺天妃宮

龍山下路。一帶寒烟樹。總是六朝人住處。興廢
不關鷗鷺。○蘆洲颯颯風來。高天鴈又悲哉。我

所思兮江許。柴門逐水斜開。

弘濟寺

外郭觀音門之左。後倚石壁前臨大江。有觀音閣。俯視江岸。令人股栗奇險。爲金陵諸刹之冠。

江邊一寺。乞食僧歸未。崩浪聒天音響沸。到此要嘗茶味。○夜深蟾冷千松。應來逼岸魚龍。我所思兮弘濟。水雲中聳奇峰。

太平堤

堤在太平門外北抵鍾山草堂之麓。國朝三法司在焉。西帶後湖東帶小湖。曰燕尾。名見南京刑部志。東爲鍾山。

藕花香絕。況復兼荷葉。十里嬌紅湖面帖。玄武鍾山相接。○此湖雖屬官家。任從鷗鷺飛斜。我所思兮堤畔。水亭深隱蒹葭。

鷄籠山

北枕都城。眺玄武湖。宋爲雷次宗築館于此。國朝于上置觀象臺。

渟泓無底。玄武湖中水。十廟前陳如衆齒。便只

一山包耳。○孤峰雨後精神。浪遊須趁青春。我
所思兮絕頂。夜深象緯親人。

牛首

佛經曰江表牛頭以形名也。晉王導言牛首
可爲天闕。又名天闕。山上有弘覺寺。亦爲懶
融道場。

孤峰送眺。時見遙山燒。塔影解穿幽室竅。怎把
尖兒顛倒。○花巖深處藏僧。閒房一點龕燈。我
所思兮天闕。雲梯何日登登。山有白雲梯。

桃葉渡

秦淮上水門之內北對青溪淮清橋口王大令獻之妾名桃葉渡江來此樂府有曲以此得名

盈盈一水。迤邐長千里。昨夜春風剛到此。水色嫩于烟矣。○堂前燕子飛斜。烏衣曾住王家。我所思兮桃葉。渡頭芳樹猶花。

杏花村

都城西南隅城下鳳凰臺在其東北數百武許舊有杏數十株春日遊人讌集徹夜笙歌

土人厭之。髡其樹。風景殺矣。

似紅似白。樹樹都開徹。二月春風飛絳雪。新出
小鶯。饒舌。○踏青有臉如花。笑歌聲裏琵琶。我
所思兮村落。旗搖沽酒人家。

謝公墩

冶城西北。晉謝太傅與王右軍遊此。慨然有
高世之意。李太白有詩咏之。王介甫誤指城
東康樂坊之墩爲此墩。故有「我名公字偶相
同」之句。不知彼所居者乃謝玄舊蹟。人亦名
曰謝公墩。非安石也。墩南望冶城山北爲梁
永慶寺。

青龍山後。曉日升空陡。烟與露和官路柳。春色
信濃于酒。○東山自負高姿。蒼生屬望何疑。我
所思兮墩上。相携復有羲之。

盧龍山

城之西北俗名獅子山下有盧龍觀隔城卽
龍江關關北地名龍灣

故宮蕭索。草樹斜陽落。天半盧龍雲氣作。似與
孤筇相約。○壚頭竹葉盈缸。春風燕子雙雙。我
所思兮山勢。隔城飛出吞江。

攝山

以地多藥草可攝生故名。又以形爲繖山。見陳江總持碑文。齊明徵君居此捨宅爲寺。曰棲霞寺。今多名此山爲棲霞明金鸞有棲霞志。

高峯無對。衣袂沾嵐翠。風雨斷碑文字碎。倒在碧蘿烟內。○道人靜掩山扉。一生絕粒忘饑。我所思兮霞際。藥苗採得偏肥。

雨花臺

在南門外梁雲光法師說經于此。感天雨花。以地出瑪瑙石。又名聚寶山。東爲梅岡。有晉

梅將軍廟又東爲高座寶光諸寺

香花頻下。天女親揮灑。試看梅岡來去者。可是
尋花人也。○而今粧點荒丘。笙歌佐酒無休。我
所思兮臺上。悠然樹杪江流。

憑虛閣

閣在雞鳴寺都城內一覽而盡最爲登臨勝
處

半虛空裏。結構崢嶸起。佳氣散爲城市綺。一眺
想無餘矣。○梵音相間松聲。招提又號鷄鳴。我

所思兮閣上。泠然御風而行。

天壇

正陽門東南。國初合祀天地于此。神樂觀在內外。有長道。眺望鍾山。淮水暎帶左右。朱元介少宰有天壇勒騎圖。

龍蟠虎踞。總壯金陵氣。甘露降松同。蜜味四海歌聲如沸。○一從神武天開。何人不陟春臺。我所思兮玄宇。蔥蔥鬱鬱佳哉。

洪武八年甘露降圓丘之松。色若珠。味如蜜。

長干里

詩謂水厓曰干以其地在江水之厓名長干
南卽雨花臺北接越臺六朝有大長干小長
干樂府有長干曲

垂楊初翠。雨箇黃鶯媚。到此不愁人不醉。一路
草茵堪睡。○春山暖趁閒遊。管絃終日風流。我
所思兮舊里。看春嬌眼樓頭。

燕子磯

觀音門外弘濟寺北孤立江水之上曰燕子
者不知何義或曰以形名有臺榭遊人首稱

金陵者必曰牛首燕磯

江深不測。江月何其白。怒浪撞磯。磯欲圻。合作
磯頭釣客。○俯江亭立懸巖。水禽來語松杉。我
所思兮燕子。遙吞天外千帆。

幕府山

都城北神策門外晉王丞相導出師開府于
此

層巖試上。不見王丞相。千載新亭。猶氣壯。肯作
楚囚模樣。○晚晴北郭遙看。和盤托出峰巒。我

所思兮幕府空餘寺老僧殘。

達磨洞

觀音門內東里許山色四圍傳云達磨將北渡江趺坐上有夾蘿峰一白夾羸

非空非色江水蒲團側折葦那人心口默一坐必然有得。○千尋絕壁孤峰看他倒挂青松。我
所思兮洞口白雲飛出無蹤。

靈谷寺

國初洗藏梁寶誌公建塔寺於鍾山之東南
曰靈谷入門山麓松柏可數里許有琵琶街

八功德水

新松手植恨不高千尺。試入寺門蒼翠滴十里。
深陰無極。○衲衣一件何求。着來凡幾春秋。我
所思兮靈谷。忻看麋鹿閒遊。

四望山

都城西其下臨城者卽石城也。山東有虎踞
關頂有南唐所建翠微亭下卽清涼寺。

危峰西起遊興何堪靡。鄭俠祠邊曾暫止。夜宿
一庵清矣。○翠微亭子登時收。將列岫烟姿我。

所思兮四望。望江江更雄奇。

三宿巖

在龍江關靜海寺內。巧石嵯峨。置亭于上。舊在江滸。宋虞允文破金師歸。三宿于此。以是得名。

曾眠忠肅。夢裏鳴雞觸。壯志饑飡。肉。此地千年猶馥。○高巖疎樹凝霜。盧龍一帶秋光。我所思兮三宿。江聲遙度維楊。

東山

晉謝太傅家會稽之東山旣領朝寄念東山
不置以此山類東山故建樓墅于上因以東
山名之地舊名土山今俗尚以舊名其南有
石山竹山朱元介少宰云其地有八山以八
音名

愁懷如掃足見登山好百丈游絲頭上裊似網
住晴暉了○是誰携妓相嬉要將人比花枝我
所思兮東嶺春風勸盡深卮○

嘉善寺石壁

神策門外羣山蜿蜒北接石灰山有石罅深
數尺狹僅尺許高數仞上微見天曰一線天

秋佳軒詩餘

傍又有巨石其方如印可列十餘席曰蒼雲崖

誰開石罅。漏得天光下。此是昭昭之多也。好似
隙窻飛馬。○清池正對僧眸。林端月又垂鉤。我
所思兮嘉善。不鳴一鳥山幽。

祈澤寺

在城東郭高橋門外石馬冲東枕平岡古木
二株云是齊梁間物左有水出石隙構祠于
上以祀龍女曰龍堂盛時泰水晶以此爲勝
云

高僧古樹朝夕相依處斷了紅塵人底步時有

孤雲垂顧。○泉從石出清真。茶鑪細煮山薪。我
所思兮祈澤。各畦一瀉均勻。

青溪

溪舊有九曲。自淮清橋以北。白下諸橋所跨
皆是其地。半在今大內。白下橋。今日大
中橋。

清流九折。浮着鍾山色。醉客欲歸歸未得。畫
輕搖明月。○岸頭喚飲杯中。當壚嫋嫋吳風。我
所思兮溪水。桃花萬點飄紅。

虎洞

淳化鎮關北旁有宮氏泉。宋人遺碑二通。余伯祥司成雅遊集著此人始知之。然經其地甚少。盛仲交大城山集祇載全碑而不及洞。朱元介少宰畫圖爲詳。

行行淳化。驢背詩翁跨。不賣青山休議價。便買些泉也罷。○詩翁又喜茶經。讀時口裏生馨。我所思兮虎洞。一泓宮氏泠泠。

落星岡

志謂李太白衣紫綺裘與客醉登。考集中惟有自孫楚酒樓衣紫綺裘與客泛舟至石城。

之作而不云往落星岡。余伯祥司成言在城西南五十里。朱元介少宰謂城西又有二處皆名落星岡。不知的在何所。一名落星石。一名落星墩。

石從空墜。想是爲天棄。畢竟帶些天上氣。牧豎樵夫來睡。○千花百草爭妍。無山不富春天。我
所思兮岡上。烏巾紫綺青蓮。

莫愁湖

湖在三山門外南。卽白鷺洲。唐鄭谷詩云。莫愁家住石城村。石城云在楚地。今湖去虎踞石城甚邇。江寧邑志辨其仍在金陵是也。梁武帝詩云。雒陽女兒名莫愁。十五嫁爲盧家。

婦莫愁又爲雒陽人

嬌歌艷舞相見應憐汝。嫁與盧家年十五。誰道
花枝無主。○芳魂空逐波流。白蘋風起清秋。我
所思兮湖上。莫愁翻使人愁。

報恩寺塔

寺地舊有白塔云是阿育王所建永樂中就
舊天禧寺重建大報恩寺起塔九級中藏舍利
金陵志言舍利甚詳不知今塔所瘞卽舊
所貯否塔高二十四丈餘夜燈輝城內外瑰
麗古無比也

振衣千仞。無此浮屠峻。將手捫天星斗。近。百尺竿頭須進。○空中色相崔嵬。可知卽是空哉。我所思兮塔上。天花宿鳥。嚙來。

天界寺

城南禪林。天界爲勝。扁曰善世。法門內有三十六菴。皆枕峰巒。遶竹柏。萬松半峰。竹居三菴尤勝。毘盧閣高敞。可避暑。後有圓阜。名琢鍊堆。

香焚茗熟。佳趣僧家獨。賸有名菴三十六。到處看經念佛。○雨花諸勝爲鄰。山中空了埃塵。我

所思今天界。入門松氣清人。

祖堂山

獻花岩南唐。嬾融結菴于此。其所坐洞有一
佛宇。卽四祖訪融處。融稱牛頭第一。代祖故
曰祖堂。

禪關這裏。松石蕭然耳。牛首行來凡五里。逢着
水窮雲起。○登山肯厭重重。人生能幾扶筇。我
所思兮融祖。滿身花雨過從。

獻花巖

牛首山門有岡直西而去抵獻花岩云融師
修道時猿鹿獻花東望牛首山樹樓臺宛如
畫裏

手拈珠串。法偈心持半。山竹無風隨意亂。衲子
鐘餘喫飯。○景于天闕偏饒。縮來一幅生綃。我
所思兮巖上。真堪對面圖描。

冶城山

吳王鑄劍之所故曰冶城今爲朝天宮官東
北皆高岡環抱西有西山道院又西爲晉卞
忠貞公墓

山雲時吐。藜杖閒來拄。白鶴晝眠松下土。一靜
真如太古。○興亡往事休窮。青萍不受塵蒙。我
所思兮吳冶。酒杯曾借伊雄。

舊院長橋

教坊司中大街。迴光寺之東。波水淪漣。垂楊
掩映。橋聯亘百餘步。紅板綠波。光影蕩漾。爲
勾欄遊賞佳境。近年祠部將迴光寺以東分
置院外。此橋遂斷歌舞之跡矣。

歌樓十四。江左繁華地。映水紅粧。生百媚。艷賞
長橋爲最。○琵琶撥盡相思。千金不惜教伊。我

所思兮橋上東風嫁許花枝。

梅花水

城北嘉善寺北有崇化寺在石灰山之南石壁涌泉甃石爲方池僅數尺明興化宗臣有梅花水記

梅花何許且洗塵囂耳。若使林逋來到此定亦吸殘池水。○水爲茶之神哉。喫茶尤喜瓷杯。我所思兮澄溜秋寒石甃青苔。

半山

城東謝玄康樂坊西至白下橋東至鍾山皆
七里故以半山名王介甫倚墩築室誤認爲
謝安冷城西北之墩所咏甚多白下城東鳴
一牛尤爲可據今東長安街至朝陽門有半
山墩

一牛東處時把雲吞吐。公去我來誰是主。得不
笑斯言腐。○開窻嵐翠盈眸。平生坐臥皆遊我
所思兮山內。樵歌隔水悠悠。○荆公有公去我來
墩屬我之句

戚家山

南唐韓熙載宅在戚家山其地云是報恩寺
後六朝都城南距淮水置朱雀航王謝諸公

皆居淮水外南岡之上南唐旣闢城濠熙載
何以亦居城外陵谷變遷難以覆覈如此者
不少

野情如遂千仞峰頭醉南郭是山皆點翠佳者
偏將客媚○戚家復有韓家都歸流水浮花我
所思兮山下遺鈿墮鳥春譚

邀筵步

在秦淮王子猷邀桓伊吹簫故名周暉金陵
瑣事云今貢院前河岸有石題邀筵步

淮流清徹落日光明滅妙管定知風韻別嫋嫋

胡床不絕。○兩人神與爲怡。豈因竹勝于絲。我
所思兮水際。祇今漁父孤吹。

三台洞

城北石灰山下。當上元福寧二門之間。洞最高
廣。旁川曲竇。上漏天日。其下卽江渚。蘆洲
之外。烟波浩渺。舊無知者。萬曆中。一二達官
尋而得之。

是誰穿鑿。都把三台說。不斷江聲終夜聒。水鳥
何曾睡着。○山中風月無邊。休論東海桑田。我
所思兮雲洞。苔花色老千年。

周處讀書臺

都城聚寶門之東有高岡其下南負都城岡下有洞曰蟒蛇是梁武帝舊宅曾捨爲寺曰光澤寺一名鹿苑寺

側身懷古豪傑都爲土。細想截蛟兼刺虎。此等雄風不腐。○忠臣孝子垂名。元來陽羨書生我。所思今臺上。秋花尚滿寒城。

烏龍潭

石城門之北潭可數百畝許南浸靈應觀山北去卽虎踞宋元嘉中有龍見元張鉉新志

謂潭在永慶寺側。今去寺甚遠。

碧波風發。古殿牆根插。波底神龍游戲滑。雨氣
每腥鱗甲。○芰荷一望無窮。漁舸出沒其中。我
所思兮潭上。秋來月在澄空。

木末亭

在雨花臺北梅岡之東。永寧寺後山上。置有
方正學先生祠。

雨花臺北樹樹皆秋色。誰構虛亭收拾得。鎮日
山僧遊客。○半生踪跡江湖楚。天唳月鴻孤。我

所思兮木末茶烹井水中孚。

草堂

在鍾山之陰齊周顒隱于此孔稚珪北山移文曰草堂之英以誚顒者此也舊有草堂寺國朝爲中山王墓

草堂巖上水木環相向景物也因人快暢不是林巒別樣○嘗忻讀北山移誰教鶴怨猿疑我所思兮堂主一行作吏何爲。

胭脂井

井相傳在陳公景陽樓下隋兵渡江後主與張孔二美人自沈于井卽此也在上元縣東北紅花地上或曰清涼寺井者非唐宋人有銘詩皆曰景陽公井一名辱井

新林兵進朱雀門前近亡國已成千古恨玉樹庭花誰問○試將秋草鋤荒得無三閣遮藏我○所思今舊井蕭蕭葉下銀床○

蟹浦

城北直瀆山下金陵志有其名在上元門左右

雄螯巨腹風味重陽足捕向江村寒水曲甕裏

蒲萄初熟。○西巖細菊。敷黃菊邊。醉倒何妨。我
所思兮蟹浦。蒹葭裊露蒼蒼。

南澗

城南小市之南有石橋跨之一日羅馬又曰
蘼蕪澗水北流入城濠

小橋流水。隱在南山裏。洗淨十年塵土耳。石枕
定須移此。○客中歲月云徂。可堪如許頭顱。我
所思兮南澗。風生綠葉菖蒲。

衡陽寺

太平門外四十里近新林邨黃城巷有山曰
衡陽因以名寺寺有石幢二鐫南唐入姓名
又一水池頗甘冽唐法朗說經龍女來聽獻
此

胡爲住世擾擾多人事畢竟水邊山下寺堪寄
高僧意思○楚天目斷衡陽是誰移在僧傍我
所思兮香剎疎松時奏笙簧

花巖寺

城南小安德門外東倚平巒西臨河水寺僧
以種花樹製香茶爲業如宋汴京天王院花
園子

山雲來去。僧意渾無繫。怒草齊扉終日閉。鐘響
忽敲烟際。招提地僻林丘。黃花翠竹清幽。我
所思兮園卉。一春嘗致書求。

吉山

城南四十里。因梁將軍吉翰葬此。故名。山最高峻。上有吉山寺。東去有大山。東距秦淮綿亘數十餘里。

羣巖相接。牽引春風屨。日晚江南望江北。野色
遙分建業。○勝情幽討無邊。時逢怪石佳泉。我

所思兮高處。携詩堪問青天。

白下橋

卽大中橋是南唐以前都城皆止于橋之西。世傳六朝大司馬門在中正街上。元縣之東。審爾則東距橋甚邇。余謂南唐宮門直今內橋。恐六朝官闕亦當在此。

橋名白下。酒艇張燈夜。百尺輿梁溪上跨。疑是長虹空架。○碧波做弄烟姿。岸栽楊柳相宜。我。所思兮橋畔。春來嫋嫋腰肢。

德恩寺南路

城外西天寺之東其寺門南去舊爲南院今
荒廢鞠爲茂草矣

眼中吾老年紀何人小。六代繁華非不好。化作
寒烟蔓草。○醉乘明月歌呼。兩行紅袖爭扶。我
所思兮南路。杖頭將向誰沽。

太岡寺

南郭安德門外西禪橋南有岡突起平田中
而寺名焉

太岡之上可以觀青嶂。四月平疇翻麥浪。浪裏
紅襟風颺。○素屏石枕匡牀。臥雲冷了衣裳。我

所思兮蕭寺。半窻花雨流香。

清涼寺

在四望山人傳爲陳後主避暑宮。一云南唐李後主考梵刹志寺建置在南唐前。恐非李後主所居。

十年疎放。只在孤巢上。若不登巢擡眼望。那曉江流奇狀。○火雲蒸戶難逃。人同釜甑中熬。我所思兮山寺。如聞竹雨松濤。
山有雲松巢爲余讀書處

龍山

鍾山之南有龍廣山城西北有盧龍山城南
踰吉山三十里爲龍山桓大司馬九日宴參
軍孟嘉風吹落帽蓋其處也

烏紗吹落人到重陽說客舍西風今日作添却
這般蕭索○空階黃葉紛紛寒蟲意欲何云我
所思今山上興來曾學參軍

洛陽春

首二句調暑變

卽事

設坐草爲茵張幄松成蓋白雲流水一閒身久

跳蕩紅塵外。○笑殺長安客。憊炙杯無賴。喫來
蝦菜與魚羹。討得个胸中快。

一榻

一榻煮茶烟。宿酒醒來乍。綠陰晴日下。松蘿且
莫管紅英謝。○開了風軒水榭。衣冠常卸。偶從
鄰姬買蒲葵。正好度如年夏。

南陌

南陌與東阡。鎮日來還去。荷鋤倚杖一村翁。這

野意和誰語。○滿目落花飛絮。春歸何處。拂不
高枕向山阿。却被那幽禽覷。

絲瓜

着地結諸瓜。此種高牽獨。荒庭一樹老扶疎。苦
被爾渾纏束。○烹取也。堪充腹。條條垂綠。花開
經雨。越添黃。笑老眼疑爲菊。

匾豆

粒本似珠圓。可怪名爲匾。新藤牽上小籬頭。愛

翠角含秋淺。○昨日畱賓親翦。茶瓜相間共言。
脾病可醫治。但肺病如何免。

葫蘆

入夏雨知時。繞屋葫蘆壯。不堪依樣畫圖他。他
却具元模樣。○日日野風吹向。未沾塵埃。只逢
秋老就中虛。賣藥底來相訪。

旅夜

村樹響秋蟬。節候驚途客。行臺無妾侍。衣篝敎

榻畔沈烟歇。○幾夜風清月白。夢回家隔香醪。
小驛未慳供。奈近日腸兒窄。

卽事

微茗義興壺。不道相宜甚。高情何減玉川公。只
鎮日將泉品。○好向北窗高枕。午風清沁炎歊。
全不到吾廬。受多少梧桐蔭。

山果

山果着霜紅。翠羽嘶將去。老夫靜處倚筇看。又

有个來偷覷。○自是山中情趣。無憂無慮。等閒
白了少年頭。世上事休干預。

花下

花上提壺盧。勸我花下飲。對花不飲。被花噴。合
醉向花間寢。○今日花神如騁。玩花花靚。從來
風雨解欺花。怕明日花無影。

夾竹桃

涉夏見芳桃。云是花兼竹。劉郎着意把伊栽。又

難道王郎不。○花竹相兼紅綠。根株元木。嬌英
疑是武陵傳。恐漁父無經目。

漁父

數尺小舟兒。妻子家其上。不農不賈。不曾飢。受
如許魚蝦養。○短笠輕蓑。孤漿隨波飄蕩。閒歌
一曲蓼花秋。任白鷺來窺網。

迎春日

九十日風光。明日纔伊始。今朝若不早。權迎怕。

半路春回矣。○一個土牛爭視。凍梅還蕊。吏人
群喜挽絲鞭。道今歲秋收美。

旅況

風雨夜多聞。客子如何度。五更門外馬頻嘶。又
草碧王孫路。○忽忽秋天云暮。黃花無數。悶懷
何計可消除。誦幾遍淵明句。

日落

日落畫橋西。借个漁舟蕩。芙蓉淡淡晚風吹。把

一盞澄波上。○泛泛不知何往。披襟斟爽望舒
俄起湛東巖。映水際光千丈。

春夕

鶯語習于嬌。春色濃如醉。砌花隨月轉清陰。似
留我酣時睡。○楊柳幾行舒翠。舞腰尤媚。踏青
年少正歸來。聽陌上搖金轡。

祝友

上古有靈椿。傳說猶疑誤。仙翁定陟八千齡。此

却是真椿樹。○美景恰逢初度。壽詩爭賦絳桃。
圍屋萬株霞。把杯裏紅光助。

舟行

帆挂水聲隨。舟轉山容換。灣頭紅藕着花多。惹
無數蜻蜓亂。○一片接天葭岸。教人遙看家。僮
吹火晚風中。知又把魚蝦辦。

友人舉子

聞說孫仲謀。生子當如此。君家得个掌中珠。湯

餅客都來矣。○異日定然青紫。○自今伊始。○朝來
拈筆錯書聲。○也只是渾歡喜。

送別

湖水東復東。○是爾知還處。○紫蘭紅藥自成畦。○且
莫把春光負。○相對重斟別酒。○誰堪吾友。○盡船
簫鼓醉春風。○落炤內應回首。

池月

永夜獨凭闌。○池傍幽人宅。○芙蓉老盡落清霜。○剩

一朶蓮花白。○過了重陽時節。蟲聲猶切。擣衣
何事近三更也。只爲寒威迫。

祝友

種竹不妨疎。結屋寧嫌窄。先生掩戶只觀書。今
日裏迎仙客。○恰對花黃酒白。園橙聊摘。待余
煮熟此丹砂。便共爾歸山澤。

秋日

重九條云過。秋色都深了。西風吹徧小園林。這

落葉知多少。○載酒那人蹤。○杳怎生懷抱。○金英
連日染霜華。○行只向籬邊遶。

石壁

石壁細雲生。○草徑斜暉炤。○羽人鋤藥晚來歸。○見
直上前峰廟。○老鶴一聲孤叫。○許多清妙門。○開
空翠亂相縈。○好任爾延幽眺。

卽事

昔也一何強。○今也一何邁。○因今思昔却昏昏。○總

秋後輞湖餘

不解光陰快。○是處都將花賣。春容幾敗江頭。
不醉不須歸。且欠下吳姬債。

秋盡

采采這黃花。苦未成佳詠。籬根尚伏老蛩聲。似
喚起山人病。○連日西風來勁。長天空淨。臨池
淺碧皺微波。惜折盡殘荷柄。

祝友

北海只開尊。那問相如壁。舞衣遮莫遶芳筵。且

試聽風前笛。○世事茫茫何適好。○尋泉石。○多君
琥珀酒杯濃。○映一片葵榴赤。

祝某母

重拜太夫人。○請進杯中酒。○一年只飲一杯兒。○算
還飲千年久。○最好春天花柳。○笙歌聲奏。○翩翩
青鳥下庭階。○齊要看西王母。